



古賢小字錄序



稽學齋



夫人立身穹壤間。皆有名。亦皆有字。而其幼也。不能無小字。然小字之呼。為父母者。或因所感。或有所為。或表所愛。多以義而起焉者。雖古之明帝王。良將相。以及名儒碩士。初未嘗無小字。至如宋之制科。取天下士。而士之小字。亦題於廷試錄。其不輕忽於此也。蓋可見矣。搜訪陳先生思。在宋以富學雄才稱。秩居秘閣。遍讀史籍。摘古人之小字。纂次成編。而其用心之勤。稽古之博。吁亦可尚也。哉。第其板刻寡傳。而人獲觀之者少。予舊蓄此集。公暇取閱。足以充見拓聞。而獨喜先生於此一小節。乃亦不肯忽而錄之。以示後人。爰伐梓記壽。庶以表


良工之苦心也。嗚呼。小字人生之機。未可。尚。有。好。古。者。振。以。成。書。而。傳。於。天。下。後。世。則。其。人。之。道。德。美。華。功。勳。節。義。有。闕。於。綱。常。風。化。蓋。於。國。家。生。民。者。豈。不。有。人。錄。之。以。為。範。耶。若。夫。奸。諛。佞。諂。而。為。吾。道。中。之。罪。人。者。亦。未。必。無。人。紀。之。以。垂。戒。萬。世。是。則。吾。人。之。有。生。於。之。言。一。動。之。微。安。可。以。不。慎。乎。故。君。子。必。慎。其。獨。而。小。人。於。閒。居。多。為。不。善。殊。不。知。鼓。鐘。於。宮。聲。聞。於。外。彼。其。是。非。淑。慝。難。掩。於。君。子。之。洞。察。而。垂。芳。遺。臭。之。機。判。於。此。矣。因。記。繡。梓。之。歲。月。涉。筆。有。感。而。漫。識。如。右。同。志。者。未。知。以。予。言。為。然。否。

歲甲子春仲上浣崑山觀槿子吳大有書於籌治軒

古賢小字錄

成忠即緝熙殿國史實錄院秘書省搜訪官

陳思纂次



阿瞞

魏太祖武帝姓曹諱操字孟德漢相國參之後一名

吉利小字阿瞞魏本記

寄奴

宋高祖武帝姓劉諱裕字德興小字寄奴

車兵

宋少帝諱義符小字車兵武帝長子宋本紀

車兒

宋太祖文皇帝諱義隆小字車兒武帝第三子宋本紀

道民

宋世祖孝武帝諱駿字休龍小字道民文帝第三子

宋本紀

法師

宋前廢帝諱子業小字法師孝武帝長子宋本紀

榮期

宋太宗明帝諱或字休喚小字榮期文帝第十一子

宋本紀

慧震

宋後廢帝諱昱字德融小字慧震明帝長子明帝諸

子在孕皆以周易筮之即以所得卦為小字故帝小

字慧震宋本紀

知觀

宋順帝諱準字仲謨小字知觀明帝第三子宋本紀

闕將

齊太祖高帝諱道成字紹伯小字闕將姓蕭氏齊本紀

龍兒

齊世祖武帝諱頤字宣遠小字龍兒高帝長子生建

康縣之清溪宮將產之夕陳孝皇后昭皇后並夢龍

據屋故小字為龍兒宋本紀

法身

齊廢帝鬱林王昭業字元尚小字法身文惠太子長

子齊本紀

玄慶

齊高宗明帝諱鸞字景栖始安貞王道生之子小字

玄慶齊本紀

練兒

梁高祖武帝諱衍字叔達小字練兒姓蕭氏漢相國

何之後梁本紀

六通

梁太宗簡文帝諱綱字世讚小字六通武帝第三子

梁本紀

七符

梁世祖武玄帝諱繹字世誠小字七符武帝第七子

梁本紀

法真

梁敬帝諱方智字慧相小字法真元帝第九子

梁本紀

法生

陳高祖武帝諱霸先字興國小字法生姓陳氏漢太

丘長寔之後也陳本紀

藥王

陳廢帝諱伯宗字奉業小字藥王文帝長子在位無

人君之器太后稱文帝遺志廢為臨海王陳本紀

師利

陳高宗孝宣帝諱頊字紹世小字師利始興昭烈王
第二子嘗被酒張燈而寢摠遽出尋反乃見帝是大
龍便驚走他室陳本紀

黃奴

陳後主諱叔寶字元秀小字黃奴宣帝長子陳本紀

那羅延

隋高祖文帝姓楊氏諱堅小字那羅延漢太尉震十
四世孫大統七年六月生於馮翊般若寺有尼來自
河東謂皇妣曰此兒所從來甚異不可於俗間處之
皇妣嘗抱高祖忽頭上出角遍体鱗起皇妣大駭墜

於地尼外入見曰已驚我兒致令晚得天下北史隋本紀

阿廢

隋煬帝諱廣小字阿廢高祖第二子高祖嘗嘗令善
相者來和視諸子和曰晋王肩上獲骨隆起貴不可
言及太子勇廢立為皇太子隋本紀

雉奴

唐高宗諱治事為善小字雉奴太子承第九子始封晋
王太子承乾敗太宗陰許立魏王泰長孫無忌固欲
立晋王帝以太原石文有治萬吉復從無忌帝猶謂
無忌曰公勸我立雉奴雉奴仁懦得無為宗社憂奈
何唐濮恭王傳

桃符

晉齊獻王攸字大猷小字桃符文帝第二子親賢好
施愛經籍能屬文善尺牘特為文帝所寵愛每見攸
輒撫床呼其小字曰此桃符座也

晉本傳

智隨

宋武陵王贊字仲敷小字智隨明帝第九子

宋本傳

閻梨

齊江夏王鋒字宣穎小字閻梨高祖第十二子工書

為當時藩王所推南郡王昭業亦稍工書嘗謂武帝

曰臣書固應勝江夏王武帝荅曰閻梨第一法身第

二法身即昭業小名

齊本傳

白澤

齊文惠太子長懋字雲喬小字白澤武帝長子

齊本傳

維摩

梁昭明太子統字德施小字維摩武帝長子美姿容

善舉止讀書教行並下過目皆憶

梁本傳

四果

梁南康簡王績字世謹小字四果武帝第四子

梁本傳

六真

梁邵陵携王綸字世調小字六真武帝第六子少聰

穎博學善屬文尤工尺牘

梁本傳

明進

隋衛昭王奐字師仁小字明達高祖異母弟隋本傳

觀地代隋書卷五十三

隋煬王勇小名觀地代文帝長子文帝受禪立為

皇太子以罪廢黜追封房陵王北史隋傳

益錢

隋廢人諒字德章小字益錢又幼字阿容文帝子開

皇初封漢王後以罪幽死北史隋傳

阿陝

隋齊王暕字世拙小字阿陝煬帝子北史本傳

季子

隋趙王杲小字季子煬帝子北史隋本傳

毗沙門

唐隱太子建成小字毗沙門高祖子唐本傳

三胡

唐巢刺王元吉小字三胡高祖子與建成謀作亂伏

誅唐本傳

漢

犬子

司馬相如字長卿成都人少名犬子好讀書學擊劍

慕蘭相如之為人乃更名相如前漢本傳

鼎

匡衡字稚圭一曰衡小名鼎家貧好學諸儒為之語

曰無說詩匡鼎味匡語詩解人願衡少字禹長乃天

字稚圭 前漢本傳

童烏

楊稚子小字童烏九歲與雄論玄 陸龜蒙小名錄

魏

萬億

李通字文遠江夏人小字萬億以俠聞於江汝之間

勇冠諸將為太祖所知卒謚剛侯 魏志本傳

別成

傅幹字彥林漢陽太守燮子小字別成位扶風太守

世說
叙錄

晉

阿童

王濬字士治小字阿童為益州刺史時吳中童謠曰

阿童復阿童銜刀浮渡江不畏岸上獸但畏水中龍

羊祜聞之曰此必水軍有功但當思應其名者耳乃

表濬為監益州諸軍事加龍驤將軍竟平吳 晉羊祜傳

齊奴

石崇字季倫大司馬侍中苞子崇生於青州故小字

齊奴 晉本傳

阿龍

王藻字弘茂鎮軍司馬裁子小字阿龍少有風鑑城

重清連位丞相進封始興郡公卒謚文獻晉本傳
阿王丞相拜司空廷尉桓彝作兩髻葛裙策杖路邊窺
之嘆曰人言阿龍超阿龍故自超不覺至臺門世說

阿太

王悅字長豫丞相導子小字阿太位吳王友中書侍
郎贈常侍始興貞世子世說錄

阿螭

王恬字敬豫丞相導子小字阿螭位吳國會稽內史
散騎常侍卒謚曰憲恬少好武不為公門所重導見
悅輒喜見恬更有怒色恬多技藝善奕碁為中興第
一晉本傳

大奴

王劭字敬倫丞相導子小字大奴位建威將軍尚書
僕射中領軍卒謚曰簡世說錄

小奴

王蒼字敬文丞相導子小字小奴位鎮軍將軍散騎
常侍贈衛將軍

王僧彌琅謝車騎玄共王小奴許集僧彌舉酒勸謝

云奉使君一觴謝曰可耳僧彌勃然作色曰汝故是

吳興谿中釣碣耳何敢譎張謝徐撫掌而咲曰衛軍

僧彌殊不肅省乃侵陵上國也世說

阿黑

阿王數字虞仲治書御史基子丞相導從父兄也小字

阿黑校大將軍

王大將軍始欲下都處分樹置先遣參軍若朝建觀
旨時賢祖車騎邀尚未鎮壽春竄自厲聲語枝人曰
卿語阿黑何敢不遜催攝面去須臾不爾我將三千
兵槩脚令上王聞之而止

世說

阿戎

王戎字濬冲貞陵侯渾子位司徒以功封安豐縣侯

薨謚曰元

阮籍素與渾友戎年十五阮曰濬冲清賞非卿倫也

與卿言不如與阿戎談

世說

阿菟

王羲之字逸少淮南太守曠子小字阿菟位臨川太
守右將軍會稽內史卒贈金紫光祿大夫

世說叙錄

阿齡

王胡之字修齡驃騎將軍廩子小字阿齡位司州刺

史世說

胡之治身清約以風操自居謝太傅安語劉惔阿齡
於此事故欲太厲劉曰亦名士之高操者

世說

虎托

王彭之字安壽僕射彬子小字虎托位黃門襲爵

世說

錄叙

虎犢

王彪之字叔虎彭之弟小字虎犢位光祿大夫尚書

令儀同三司卒謚曰簡

至右軍在南丞相藻與書每嘆子姪不令云虎牯虎犢還其所如彪之年二十而頭鬚皓白時人謂之王白鬚少有局幹之稱

世說

荆產

王徽字幼仁南鄉侯澄子小字荆產位右軍司馬劉惔云人想王荆產佳此想長松下當有清風耳

世說

法護

阿爪

王珣字元琳中領軍洽子小字法護又小字阿爪位

前將軍司徒東亭侯卒謚獻穆謝太傅安領中書監王東亭有事應同上省王後至坐促王謝雖不通太傅猶歛容待之王神意閒暢謝公傾日還謂劉夫人曰向見阿爪故自未易有雖不相關正自使人不能已已

世說

僧彌

王珣字季琰珣弟小字僧彌有才藝擅書名出兄右時人語曰僧彌難為兄法護難為弟代獻之為中書令時謂小令卒贈太常

世說

阿奴

王濛字仲祖新淦令訥子小字阿奴位司徒左長史

劉悛撫王長史背曰阿奴比丞相薄但有都長史
劉悛王長史全坐長史酒酣起舞劉悛曰阿奴今日
不復減向子期類向秀之任
率也世說

荀子

王修字敬仁司徒左長史濛子小字荀子明秀有美
稱善隸行書起家著作郎轉中軍司馬晉本傳

劉悛至王長史許清言荀子年十三倚床遙聽既去
問父曰劉悛語何如尊長史曰韶音令辭不如我往
輒破的勝我世說

阿興

王蘊字叔仁修弟小字阿興位左將軍左僕射會稽

內史卒追贈光祿大夫

世稱荀子秀出阿興清和世說

阿訥

王坦之字文度尚書令述子小字阿訥位中書令北
中郎將左衛將軍襲封藍田侯卒謚曰憲世說叙錄

阿智

王處之字文將述子小字阿智州辟別駕不就世說
叙錄

僧思

王禧之字文劭述子小字僧思位中書侍郎年未三
十而卒世說叙錄

駒

王愉字茂和小字駒晉尚書僕射江左冠族子敏

有重名

陸龜蒙亦名錄

佛

王忱字元遠坦之子小字佛大位建威將軍荊州刺

史卒贈右將軍謚曰穆

王佛大歎吉三日不飲酒覺形神不復相親為吏部

郎嘗作選草臨當奏王僧彌來聊出示之僧彌得便

以己意改易所選者近半佛大甚以為佳更寫即奏

說世

寗

王恭字季伯左僕射蘊子小字寗位前將軍贈侍中

齊

太保謚曰忠簡世說叙錄

王熙字叔和蘊子小字齊世說叙錄

睹

王爽字季明蘊子小字睹位黃門侍郎寧朔將軍世說

叙錄

堅

石

謝尚字仁祖咸亭侯鯤子小字堅石初為王導掾襲

爵咸亭侯鎮西將軍卒謚曰簡世說叙錄

虎

子

謝據字元通吏部尚書裒第二子小字虎子歸中郎

未婢

謝琰字璠度太傅安子小字未婢位輔國將軍以功

封望蔡縣公會稽內史為孫恩所害贈侍中司空謚

忠肅世說叙錄

封

謝韶字穆度散騎常侍萬子小字封位車騎司馬世說

胡兒

叙錄

謝朗字長度安次兄據長子小字胡兒名亞於玄仕
至東陽太守

謝太傅安雪寒日內集與兒女講論文義俄而雪驟
公欣然曰白雪紛、何所似兄子胡兒曰撒鹽空中
差可擬兄女曰未若柳絮因風起公大笑樂即公大
兄奕女名道蘊右將軍王凝之妻也世說

過

謝玄字幼度鎮西將軍奕子小字過晉都督徐亮青
司冀幽并七州軍事封康樂公卒謚獻武

謝太傅安因子弟集聚問毛詩何句最佳過稱曰昔

我往矣楊柳依依、今我來思雨雪霏霏、公曰打謝謨定

命遠猶辰告謂此句偏有雅人深致世說

未

未謝洲字叔度夷子小字未晉義興太守

世說叙錄

益壽

謝混字叔源望蔡縣公瑛子小字益壽襲爵歷中書

謝混字叔源望蔡縣公瑛子小字益壽襲爵歷中書

令中領軍尚書左僕射以黨劉毅誅國除及宋武受

禪謝晦謂劉裕曰陛下應天受命登壇月恨不得謝

益壽捧璽黻裕亦嘆曰吾甚恨之使後生不得見其

風流 晉本傳

買得

桓冲字幼子散騎常侍彛子晉護南蠻校尉車騎將

軍荊州刺史卒謚宣穆冲温弟也初彛亡後冲兄弟

並少家貧母患需^辛以解無由得之温乃以冲為質

羊主甚富言不款為質幸為養買得即及冲為江州
出射羊主於射堂邊看冲識之謂曰我買得也遂厚
報之 晉本傳

石頭

桓熙字伯道南郡公温子小字石頭為中徙長沙

世說叙錄

式

桓歆字叔道温子小字式臨賀公 世說叙錄

靈寶

桓玄字敬道温孽子小字靈寶襲封南郡公年三十
六伏誅其母馬氏常與温同輦夜坐月下見流星墜

銅盆中如寸二火珠競以款接取獨為大得而春之
有威連娘及生有光照室占者奇之故小名曰靈寶

晉本傳

桓宣武薨玄五歲服始除桓車騎中與送故文武別
因指玄此皆汝家故吏佐玄應聲慟哭酸感傍人車
騎每自目己坐曰靈寶成人當以此坐還之鞠愛過
於所生世說

鎮惡

桓石虔司空豁子小字鎮惡冠軍將軍作塘侯卒追
贈右將軍

石虔年十七八未被舉而童隸已呼為鎮惡即嘗往

宣武齋頭從征枋頭車騎冲沒陣左右莫敢先救宣
武謂曰汝叔落賊汝知否石虔聞之氣甚奮命朱辟
為副策馬於數萬衆中莫有抗者徑取冲還三軍嘆
服河朔後以其名斫詹世說

豹奴

桓嗣字恭祖車騎將軍冲子小字豹奴領江夏相追
贈南中郎將謚曰靖

桓豹奴是王丹陽外甥王丹陽混字奉正晉丹陽尹形似其舅桓

甚諱之宣武亡不恒相似時似耳恒似是形時似是

神恒逾不悅世說

崖

桓修字承祖冲子小字崖龍驤將軍為劉裕所誅
桓玄素輕桓崖在京下有好挑玄連就求之遂不
得往者玄與殷仲文書以為啾笑曰德之休明肅慎
貢其楛矢如其不爾籬壁間物亦不可得也世說

子野一云野王

桓伊字叔夏譙國人錄小字子野一云野王累遷豫
州刺史贈右將軍少有才藝善音律為王濛劉惔所
知有蔡邕柯亭笛嘗自吹

王子猷出都尚在渚下舊聞桓子野善吹笛而不相
識遇桓於岸上過王在船中客有識之者云是桓子
野王便令人與相聞云聞君善吹笛試為我一奏桓

時已貴顯素聞王名即便回下車踞胡床為三調弄
畢便上車去客主不交一言世說

阿恭

庾會字會宗太尉亮子小字阿恭年十九為蘇峻峻所

害

庾太尉風儀偉長不輕舉止時人皆以為假亮有大
兒數歲雅重之質便自如此人知是天性温太真嘗
隱慢但之乃見神色恬然乃徐跪曰君侯何以為此
論者謂不減亮或云見阿恭知元規非假世說

道恩

庾羲字羲叔亮子小字道恩晉吳國內史世說叙錄

道季

道季字道季晉中領軍世說敘錄

赤玉

庾統字長仁衛將軍懌子小字赤玉少有金名仕至

建成將軍潯陽太守

簡文帝曰庾赤玉省率治除謝仁祖常云庾赤玉胸

中無宿物世說

玉臺

庾友字惠彥又字弘之司空冰第三子小字玉臺晉

中書郎東陽太守

庾玉臺希之弟也希誅將及玉臺玉臺子婦宣武弟

桓豁女也徒跣求進閤禁不內女厲聲曰是何小人
我伯父門不聽我前因笑入號泣謂曰庾玉臺常因
人脚短三寸當復能作賊不宣武笑曰壻故自急遂
原玉臺一門世說

倪

庾倩字少彥冰子小字倪晉太宰長史世說敘錄

園客

庾爰之字仲真車騎將軍翼子小字園客有父風仕

至輔國將軍

庾翼為荊州臨終自表其子園客自代朝廷慮其不
從命未知所遣乃共議用桓温劉惔曰使伊去必保

起定西楚恐不可復制後果如懷言

嘉賓

郝超字景興司空愔子小字嘉賓晉中書侍郎司徒

左長史超少有才氣越世負俗不循常檢時人為一

代盛譽語曰盛德日新郝嘉賓江東獨步王文叔之

世說
字文叔

倉

郝融字景山愔子小字倉

世說叙錄

阿乞

郝恢字道胤東安伯曇子小字阿乞襲爵征虜將軍

秦州刺史贈鎮軍將軍

世說叙錄

羊

袁喬字彥叔光祿大夫瓌子小字羊龍驤將軍湘西

伯卒追贈益州刺史謚曰簡

袁羊嘗詣劉恢、曰內眠未起袁因作詩調之曰角

枕繁文茵錦衾爛長筵

唐風詩曰角枕繁兮錦衾爛
今予美七此誰與獨旦袁故

之劉尚晉明帝女主見詩不平曰袁羊古之遺狂

虎

衛玠字叔寶黃門郎恒子小字虎晉太子洗馬

世說
叙錄

袁宏字彥伯臨汝令勗子小字虎晉陽東郡守時號

袁開美故王子敬詩云袁生開美度桓公入洛過淮

泗踐北境與諸僚屬登平乘樓眺矚中原慨然曰

使神州陸沉百年丘墟王夷甫諸人不得不任其責
袁虎率爾對曰運自有廢興豈必諸人之過桓公矯
然作色顧謂西座曰諸君頗聞劉景升不有大牛重
千斤噉芻豈十倍於常牛負重致遠曾不若一羸將
魏武入荊州烹以饗士卒于時莫不稱快意以况袁
四座皆駭袁亦失色

世說

阿訥

許詢字玄度小字阿訥

世說叙錄

暎

先生名邁字叔玄許副第四子小名暎清虛懷道選
棲物外故自改名遠遊與王右軍父子周旋子猷乃

修在三之敬

真誥

揆

長史名謐字思玄一名穆許副第五子少知名儒雅
清素博學有才章長史三男長男名川小名揆

真誥

虎牙

許長史中男名聯字元暉小名虎牙謝安為護軍引
為功曹除永康令衛尉丞晉康太守不之官又為輔
國司馬

真誥

玉斧

許長史小男名翮字道翔小字玉斧幼有珪璋標挺
長史器異之郡舉止計祿簿並不赴清秀瑩潔標化

塵務居雷平山下修業勤精常願早遊洞室不敏久
停人世遠詣北洞告終真誥有去瓊田者學許林小
名也真誥

嗣伯

許確字義玄副第七男小名嗣伯稷槩有大度好博
出為桓溫楊州從事謝安衛軍參軍隨謝玄討苻堅
有功封都鄉侯真誥

道助

吳坦之字處靖堅子小字道助濮陽人仕至西中郎

功曹世說

附子

吳隱之字處默坦之弟小字附子兄弟居在丹陽郡
俱有孝行後遭母喪童夫人琅朝夕哭臨及思至賓
客弔省號踊哀絕路人為之落淚韓康伯時為丹陽
尹母揚州刺史殷浩之妹在郡隣居每聞二吳之哭
輒為悽惻語康伯曰汝若為選官當好料理此人康
伯亦甚相知韓後果為吏部尚書大吳不免制哀小
吳遂大貴世說

阿源

殷浩字淵源光祿勳羨子小字阿源晉中軍將軍揚

州刺史

桓公語嘉賓阿源有德有言向使作令僕足以儀刑

百按朝廷用違其才耳世說

胡奴

陶範字道則太尉侃第十九子小字胡奴諸子中最

知名歷尚書秘書監

袁宏始作東征賦都不道桓公胡奴誘之狹室中臨以白刃曰先公勲業如是君作東征賦何相怨畧窘宏感無計便荅我大道公何以云無因誦曰精金百鍊在割能斷功則治人職思靖亂長沙之勲為史所讚世說

盧奴

江數字仲凱僕射影子小字盧奴凱歷內外簡選著

稱位瑯琊內史驃騎咨議參軍王恭欲請江盧奴為長史晨往諸江猶在帳中王坐不敢即言良久乃得及江不應直喚人取酒自飲一盃又不與王且嗟且言那得獨飲江云卿亦復須耶更使酌與王飲酒畢因得自解去未出戶江曰人自量固為難世說

阿奴

周謨字叔治浚子小字阿奴兄顓字伯仁尚書左僕射次允嵩字仲智

周伯仁母冬至舉酒賜三子曰吾本謂度江託足無所爾家有相爾等然羅列吾前復何憂周嵩起長跪泣曰不如阿母言伯仁為人志大而不才短名重而識

聞好素人之樂此非自全之道高性狹抗亦不容於世唯阿奴碌之當在阿母目下耳世說

僧奴

孫騰字北海餘杭令統子小字僧奴仕至廷尉世說

盤龍

劉毅字希樂彭城人小字盤龍仕晉至都督淮南五郡諸軍事初桓玄在南州起齋悉畫盤龍齋毅小字盤龍至是遂居之晉本傳

麟

張湛字處度小字麟張麟酒後好挽歌甚悽苦車騎桓冲曰卿非田橫門人何故頓尔至歌世說

期生

褚爽字弘茂秘書監歆子小字期生晉義興太守贈金紫光祿大夫世說叙錄

武生

毛穆之字憲祖征虜將軍寶子小字武生晉本傳

長生

李暹字玄盛隴西成紀人小字長生晉涼武昭王晉本傳

獨活

張天錫字純嘏駿少子也小名獨活曾祖執永嘉中為涼州刺史值京師大亂遂據涼土天錫篡位自立

為涼州牧自執為涼州至天錫凡九世七十六年等
堅使姚萇攻沒涼州天錫婦長姜堅以為侍中後以
壽陽俱敗遂南歸拜散騎常侍西平公世說

蝮

曹茂之字永世小字蝮少府卿曼子仕至尚書郎

庾道季云廉頗相如雖千載上死人慄常如有生

氣曹蝮李志志字温祖仕至員外常侍南康伯雖見在厭如九泉

下人皆如此便可結繩而治但恐狐狸猶格噉盡

言人皆如曹李贊魯天
下可結繩致治世說

元龍

盧循字子先司空從事中郎湛之曾孫小字元龍晉

征虜將軍廣州刺史平越中郎將晉本傳

宋

阿荅

王蘊字彥深大中大夫措子小字阿荅宋湘州刺史

給事黃門侍郎言陽侯伏誅世說叙錄

童烏

王綯字長素太傅或子小字童烏宋秘書丞卒謚曰

恭世說叙錄

道兕

謝述字景先宣城內史允子小字道兕宋吳興太守
左將軍劉湛並與述為異常之交述美風姿善舉止

湛每謂人曰我見謝道暉未常足

宋本傳

客兒

謝靈運太傅玄孫秘書郎瑛子小字客兒襲封康樂

公永嘉太守臨川內史元嘉十年伏誅

世說叙錄

阿連

謝惠連給事方明子小字阿連宋彭城王義康法曹

參軍

世說叙錄

阿多

謝曜晉黃門郎思子小字阿多宋御史中丞

世說叙錄

佛佛

褚澹之字仲原晉義興太守奕子小字佛佛位尚書

吏部廷尉卿左衛將軍謚曰質宋武帝以舊功愛之
會稽郡有闕朝議欲用蔡廓為之武帝曰彼自是蔡
家住兒何閨人事可用佛佛乃用澹之為會稽太守

宋本傳

阿壽

劉敬宣字萬壽鎮北將軍寧之子小字阿壽為青州

都督諸葛長民貽書敬宣曰盤龍狼戾專姿夷滅異

端將盡世路方夷富貴之事相與共之敬宣遣使進

呈高祖謂王誕曰阿壽故為不負我也

宋本傳

慙孫

袁粲字景倩父早卒祖袁其猷幼名之曰慙孫宋尚

書全開府儀同三司

班歎

劉湛字弘義小字班歎太祖自豫州長史詔為太子詹事兼給事時彭城王義康專執朝權而湛昔為上佐遂以舊情委心自結晚節驅煽義康陵轅朝廷其謂所親曰劉班初自西還吾與語常曰早晚慮其當去此人亦看日早晚慮其不法湛小字班歎故云班也遷丹陽尹詹事如故後謀亂伏誅

道民

劉穆之字道和小字道民宋尚書左僕射前將軍追封南康郡王謚文宣

宋本傳

于木

徐羨之字宗之小字于木時傅亮任寄隆重朝廷典儀皆取定於亮蔡廓微為吏部尚書因地傳隆問亮選事亮以語錄尚書徐羨之羨之曰黃門郎以下悉以要蔡吾徒不復厝懷自此以上固宜共參同吳廓曰我不能為徐于木署紙尾遂不拜于木羨之小字也

宋本傳

仙童

徐湛之字孝源司空羨之從孫小字仙童幼孤為武帝所愛范曄等謀反湛之始與之同後發其事為曄等款辭所連有司以湛之閩豫疑黨請免官削爵封

廷尉並不許湛之詣闕上書請罪上優詔不許始
付廷尉入獄然後知為湛之所發後與謝綜等隔壁
遙問綜曰疑誰所告綜曰不知聯乃稱湛之名曰
乃是徐童也 宋本傳

磚兒

范曄字蔚宗車騎將軍泰子小字磚兒母如廁產之
額為磚所傷故以磚為小字少好學善為文章位左
衛將軍太子詹事與謝綜等誅反伏誅 宋本傳

梨榼

張敦字景胤小字榼父劭字茂宗小字梨宋文帝載
曰榼何如梨敦對曰梨是百果之宗榼何敢及也 宋

傳本

約

傅瓊字叔玉晉御史中丞咸孫小字約仕至安成太
守 世說叙錄

女生

魯奕小字女生扶風郡人南歸仕至豫州刺史加都
督 宋本傳

天念

魯秀奕弟小字天念仕魏太武與奕南歸文帝悅以
奕為司州刺史秀為滎陽潁州二郡太守孝武即位
以為司州刺史加都督領汝南太守 宋魯奕傳

長生

劉凝之字隱安小名長生宋朝隱逸不仕

阿舒

阿宣

雍端通

宋徵士陶潛集載責子詩曰白髮被兩鬢肌膚不獲實雖有五男兒總不好紙筆阿舒已二八懶惰故無匹阿宣行志學而不愛文術雍端年十三不識六典七通子垂九齡但覓東與粟天運苟如此且進杯中物舒名儼宣名俟雍名份端名佚通名佟皆小名也

齊

孝孫

王粹字景深豫章侯僧綽子小字孝孫齊黃門侍郎

世說
叙錄

史公

袁彖字偉才宋左僕射顓子小字史公齊侍中卒謚

曰靖世說叙錄

苟兒

張敬兒南陽冠軍人父醜為郡將始其母於田中卧夢犬子有角故之因感而有娠而生敬兒故初名苟兒宋明帝嫌苟兒名鄙改為敬兒位至開府儀同三

司齊本傳

梁

迦葉

蕭藻字靜藝小字迦葉善屬文猶好古律高祖每稱

其小字嘆曰子弟如迦葉吾復何憂累遷開府儀同

中書令侍中梁本傳

峇

王泰字仲通冠軍將軍慈子小字峇梁驍騎將軍謚

曰夷世說叙錄

炬

王筠字元禮大中大夫揖子小字炬梁太子詹事說世

文殊錄叙

王訓字懷範國子祭酒暕子小字文殊梁侍中卒謚

溫子世說叙錄

阿士

劉孝綽字孝綽齊大司馬從事中郎繪子小字阿士

七歲能屬文舅孫中書郎王融深賞異之親交疏曰

神童融每曰天下文章若無我當歸阿士梁本傳

阿堆

任昉字彥升樂安人齊中散大夫遙子小字阿堆幼

而聰敏早稱神悟八歲能屬文從叔晏有知人之量

先而稱其小名曰阿堵吾家千里駒也任梁至太常

東里 西華

南容 北叟

任勝有四子東里西華南容北叟並無樹業墜其家
先兄弟流離不能自振生平舊交莫有收卹西華冬
着葛屨練裙道逢平原劉孝標泫然矜之謂曰我嘗
為卿作計乃著廣絕交論以譏其舊友劉溉見其論
抵死於地終身恨之東里位尚書外兵部梁任勝傳

僧伽

劉之遴字思真虬子小字僧伽八歲能屬文虬曰此

兕必以文興興吾宗時有沙門僧惠有異識每詣虬必
呼之遴小字曰僧迦福德兕握手而進之任梁位卿
官尚書太常卿梁本傳

陳

僧悅

徐陵字孝穆侍中槁子善屬文為兕時小字僧悅陵
年數歲家以携以候沙門釋寶誌摩其頂曰天上石
麒麟也位至光祿大夫太子少傅特進陳本傳

蠻奴

任忠字奉誠小字蠻奴詭譎多計畧齊力過人尤善
騎射累以戰功進領南將軍陳本傳

後趙

棘奴

冉閔字永曾小字棘奴石季龍養孫也父瞻字私武本姓冉名良魏郡內黃人也閔幼而果銳季龍撫之如孫及長身長八尺善謀策勇力絕人晉載記

前秦

肩頭

符堅字永固一名文王雄之子也小字肩頭祖洪從石季龍徙鄴家于永貴里堅生背有赤文隱起成字曰草付臣又王王咸陽臂垂過膝日有紫光洪竒而愛之名曰肩頭晉載記

鳳凰

前燕

慕容冲小字鳳凰符堅之滅燕慕容冲妹偽清河公主年十四有殊色堅納之寵冠後庭冲年十二亦有龍陽之姿堅又幸之姊爭寵宮人莫進長安歌之曰一雌復一雄獲飛入紫宮咸俱為亂王猛切諫堅乃出冲長安又謠曰鳳凰風皇止阿房堅以鳳凰非梧桐不棲非竹食不食堅乃植梧桐數十萬株於阿房以待之冲小字鳳凰至是終為堅賊入止阿房城焉晉載記符堅傳

後燕

惡奴

慕容農小字惡奴晉載記第三子

禿頭

慕容雲字子雨寶之養子也父名拔姓高氏小字禿頭三子而雲季也初童謠曰一束藁兩頭然禿頭小兒來滅燕藻字上有草下有木兩頭然作木草俱盡而成高字晉載記云少子燕竟為雲所滅如童謠焉晉載記後魏

烏頭

房法壽小字烏頭清河東武城人幼孤少好射獵仕至魏郡太守以功封壯武侯本傳

白頭

盧景裕字仲儒太常丞靜子小字白頭少敏專經為學謙恭守道貞素自得位中書郎除國子博士本傳

柰

畢裴敬小名柰少好弓馬仕宋至泰山太守後北歸皇興初拜散騎常侍兗州刺史賜爵東平公本傳

陀兒

畢義雲裴敬子小字陀兒少粗俠文宣受禪累遷御史中丞後為司徒左長史本傳

真奴

李訢字元盛小字真奴范陽人父崇率十郡歸降太

武善礼之以为幽州刺史固安侯訢位至司空

秦玉

揚愔字遵彥小字秦玉神武時位至行臺右丞

黃頭

楊愔字伯度小字黃頭太武時為秘書監卒贈相州

刺史謚曰宣侯

本傳

繼伯

李崇字繼長小字繼伯文成元后第二元誕之子襲

爵陳留公鎮西大將軍

本傳

記祖

鄴範字世則范陽人小字記祖少給事東宮景

遷尚

桃簡

崔浩字伯源開白馬公宏長子小字桃簡少好文學博

元皇

覽經史玄象陰陽百家之書無不闕綜研精義理位

至侍中特進領軍大將軍左光祿大夫世祖朝被誅

浩之姻親盡夷其族

本傳

周兕

崔頤小名周兕位至冀州刺史始崔浩與冀州刺史

崔頤滎陽太陽崔模年皆相次浩特其家世常侮頤

模：謂人曰桃簡正浩為長次模次頤三人別祖而

模頤為親可欺我何合輕我家周兕即浩小名桃簡

小名周兒世祖頗聞之故誅浩時二家獲免

陽烏

盧洲字伯源平東將軍度世子小字陽烏敦尚書業位至秘書監贈安北將軍幽州刺史謚曰懿本傳

洪崖

盧敏字仲通洲弟小字洪崖少有大量太和初拜議郎早卒贈威遠將軍范陽太守謚曰靖

師顏

盧昶字叔達洲弟小字師顏學涉經史早有時譽位至太常卿進號鎮西將軍加散騎常侍卒謚曰穆

羨夏

盧尚之字季儒昶弟小字羨夏亦以儒業見重位光祿大夫卒贈散騎常侍安東將軍青州刺史

皮

裴駿字神駒小名皮私農太守獲碩子幼而聰慧親表稱為神駒因為字弱冠通涉經史崔浩深器之目為三河領袖位中書侍郎

金

盧仲宣儀曹郎中觀弟小名金才學優洽兄弟俱以文章顯位至太尉

巨引

于謙字思敬小字巨引沉深有識量畧窺經史尤好

孫子兵書位至雍州牧免贈加使持節天又雍州

夜叉

元叉字伯雋江陽王繼長子小名夜叉靈太后臨朝以叉妹夫除通直散騎常侍後位至尚書令侍中

冀婦

長孫稚字承業小名冀婦年六歲襲爵降為公高祖以其幼承家業賜名稚字承業聰敏有才藝累以戰功遷太傅俱本傳

北齊

須拔

趙郡王琛字元寶齊神武皇帝之弟子獻小名須拔幼孤聰慧夙成特為神武所愛養於宮中襲爵南趙郡公天保二年出為定州刺史六州大都督時年十七稱為良牧

佛助

魏收字伯起鉅鹿人小字佛助少機警年十五能屬文天保中詔撰魏史表而上之

桂

李裔字徽伯小字桂性溫直太和中為頓立相豪右畏之孫神武大丞相諮議參軍參定策功封國安伯為侯軍大將軍陝州刺史周文帝攻剋州城見害

皮

封隆之字祖裔小名皮寬和有度量累遷河內太守
齋神武贈太保謚宣懿

接

封繪字仲恭隆之子小名接釋褐秘書郎累遷平陽
太守徵補大行臺吏部郎中文襄徵拜儀同三司右
僕射卒謚簡子俱本傳

後周

沙門

王軌小字沙門漢司徒允之後世為州郡冠族高祖
即位頗有戰功周文帝遇之甚厚以功進位上將軍

郊國公

永貴

宇文貴字永貴母初孕夢老人抱一子授之曰賜
爾是子俾壽且貴及生形類所夢故以永貴字之歷
位大司徒遷太保

沙彌

王晞字叔朗小名沙彌幼而孝謹好學不倖魏神武
補中外兵曹參軍齊天保初行太原郡事齊亡周武
帝以晞為儀同大將軍開皇元年卒俱本傳

蘭成

庾信字子山父肩吾梁太子中庶子小字蘭成幼而

後漢魏敏純倫有天生僧呼信為蘭成因以為小字
西魏留長安周孝閔帝踐祚拜洛州刺史後作表江
南賦有王子洛消之歲蘭成射策之年陸龜蒙小名

隋

洪兒

李敏字樹生小字洪兒父崇為幽州總管突厥所圍
死之高祖以其父死王事養于宮中及長襲爵肅宗
公起家左千牛敏姿儀善騎射從征高麗加光祿
大夫或言敏一名洪兒煬帝疑洪字當識嘗面告之
真其引決由是大恨敏數與金才等屏人私語宇文
述知而奏帝乃伏誅

釋奴

盧忍道字子行祖陽烏淵小字父道亮隱居不仕思道
小字釋奴聰爽俊辯才學兼著左僕射楊彥薦之於
朝直中書省周武平齊授儀同三司開皇初徵為散

騎侍郎

龍子

盧昌衡字子均魏尚書僕射道處子小字龍子風神
澹雅容止可法博涉經史從弟思道小字釋奴宗中
俱稱英妙故幽州為之語曰盧家千里釋奴龍子齊
受禪太子舍人遷金部郎中周武平齊授司王中士
隋開皇初拜尚書祠部侍郎仁壽中授儀同三司大

字通達不知族姓所出少事元采相顧雖稱執事小而精悍有膽畧位侍中書令莊宗即位贈太師隴西郡王

留得

李繼諧昭嗣子小字留得

陽五

周德威字鎮遠小字陽五朔州馬邑人德威身長面黑曠不改容凡對敵列陣凜然有肅殺之風同光初追贈太師配享莊宗廟

鐵山

薛志勤蔚州奉誠人小字鐵山初為獻祖帳中親信

武皇定雲中授右牙都校後以功為大同軍防禦使檢校司空乾寧初為昭義軍節度使

雲郡

王都本姓劉小字雲即中山陞邑人太原王之處宜養為己子後奪據父位遷太尉侍中周玄豹見之曰王都形似鯉魚難免刀机明宗即位加中書令以其奪據父位深心惡之後以謀叛自焚

生鐵

張敬達字志通代州人小字生鐵少以騎射著名明宗即位拜檢校太尉應州節度使清泰中自彭門移鎮平陽加檢校少傅末帝詔以敬達為北面行營都

招討使以宋州節度揚光遠到為以軍敗為安重榮
揚光遠斬敵遠首以降晉根獲其狀

阿檀

揚光遠字德明小字阿檀其先沙陀部人也事莊宗
為騎將明宗朝扈駕瀛冀易四州刺史累加檢校少
傅將兵戍蔚州晉高祖舉義兵於太原唐末帝遣光
遠與張敬達屯兵于城下俄而契丹大至為其所敗
光遠與次將安審琦殺敬達歸命高祖少帝嗣位冊
拜太師封壽王謀叛逆殺之五代史晉傳

鐵胡

安重榮小字鉄胡朔州人有力善騎射為振武邊

指揮使晉高祖起太原使張頴陰招重榮高祖即位
拜成德軍節度使後以反叛斬首晉高祖漆其首送
於契丹五代史晉傳

宋朝

樵夫

趙職尚書右丞上交子小字樵夫官至著作郎三朝國史

虎兒

蘇轍字子由生子遠小字虎兒東坡集載虎兒詩云
舊聞老蚌生明珠未省老兔生於菟老兔自謂月中
物不騎快馬騎蟾蜍蟾蜍爬沙不宜行坐令青衫垂
白鬚於菟駿猛不類渠指揮黃熊駕黑羆砂丹紫射

